



Funded by the European Union

## Projekat “Podrška Evropske unije konkurentnosti poljoprivrede i ruralnom razvoju u Bosni i Hercegovini” EU4AGRI

Poziv potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor za mjeru podrške investicijama u prerađivačke kapacitete i marketing poljoprivredno-prehrambenih proizvoda, juli 2020

Odgovori na postavljena pitanja u vezi javnog poziva koja su pristigla do 06.avgusta 2020. godine na email adresu [registry.ba@undp.org](mailto:registry.ba@undp.org).



Redni broj	Datum prijema pitanja	Pitanje	Odgovor
1	30.07. 2020	<p>Izgradnje objekata je prihvatljiv trošak- molim vas za dodatno pojašnjenje. S obzirom da se pod izgradnjom, odnosno građenjem u skladu sa građevinskom terminologijom i zakonskim tumačenjem pod istim podrazumijeva i adaptacija, rekonstrukcija, dogradnja i nadogradnja- da li su radovi koji se odnose na navedeno prihvatljiv trošak ili je to isključivo gradnja novih objekata?</p> <p>Šta se konkretno podrazumijeva pod preradom u kontekstu ovog poziva, odnosno od koje tačke u lancu vrijednosti kreće prerada, jer su pod prihvatljivim investicijama navedeni objekti za skladištenje, sušenje, zamrzavanje itd. Konkretno, da li korisnik koji vrši otkup, skladištenje i plasman neprerađenih poljoprivrednih proizvoda (eventualno osušenih i zamrznutih, tj. ne u formi industrijskih prerađevina) može konkurisati na ovaj poziv?</p> <p>U pozivu je za sve sektore naveden uslov da se podnosilac bavi preradom najmanje 1 punu fiskalnu godinu. Da li prijavu može podnijeti preduzeće koje je osnovano polovinom 2019. godine, a formirano je iz gazdinstva koje se prethodno bavilo istom djelatnošću, odnosno vlasnik gazdinstva je osnovao preduzeće u koje je unijeto zemljište, oprema i objekti sa gazdinstva?</p> <p>S obzirom da je ukupan budžet za mjeru podrške preradi i marketingu polj-preh. proizvoda 3,5 mil. eura, odnosno cca 7 mil. KM, a da je očekivani rezultat (tačka 1.4. Očekivani rezultati mjere podrške, alineja 1) minimalno 100 investicijskih projekata (znači prosječno 70.000 KM granta)- da li ovo znači da će projekat favorizovati projekte niže vrijednosti kako bi se ispunio navedeni indikator?</p>	<p>Svi građevinski radovi uključujući novogradnju, ali i adaptaciju, rekonstrukciju, nadogradnji i dogradnju su prihvatljivi troškovi u skladu sa Javnim pozivom.</p> <p>Pod pojmom prerada podrazumijeva se dodavanje određene vrijednosti primarnim poljoprivrednim proizvodima što može da obuhvati širok spektar prerađivačkih aktivnosti zavisno od vrste proizvoda i načina plasmana na tržište (npr. proces termičke obrade, zamrzavanje, fermentacija, konzerviranje, sjeckanje, cijedenje, sušenje, itd.). U skladu sa Javnim pozivom primarna proizvodnja prestaje kod skladištenja, hlađenja, sortiranja, kalibriranja i pakovanja svježih proizvoda, a prerada počinje kod procesa gdje se svježe voće i povrće obrađuje termički (npr. kuhanje, pasterizacija, zamrzavanje ili drugim procesima) i na taj način mijenja izgled, boju, miris, ukus, itd. Kod mlijeka primarna proizvodnja prestaje kod skladištenja, hlađenja i transporta svježeg mlijeka dok prerada počinje kod termičke obrade tj. pasterizacije. Kada je u pitanju meso, svi procesi od klaonice i dalje se podrazumijevaju preradom. Kod žitarica prerada počinje nakon sušenja i skladištenja i može uključiti procese kao što su mljevenje, ljuštenje zrna, hidrotermičke obrade zrna i sl. Primjer: čišćenje, pakovanje, kalibriranje svježeg kupusa u gajbu je primarna proizvodnja, dok je kiseljenje tog kupusa prerada. Plasman svježih poljoprivrednih proizvoda u svom izvornom stanju se generalno smatra primarnom proizvodnjom i nije prihvatljiva po ovom Javnom pozivu.</p> <p>Podosilac prijave mora imati minimalno 12 mjeseci (punu fiskalnu godinu tj. 2019. godinu) iskustva u bavljenju djelatnošću i obliku registracije (firma, zadruga, obrt, preduzetnik) sa kojom se prijavljuje na Javni poziv.</p> <p>Projekat ni u kom slučaju neće favorizirati prijave niže vrijednosti već isključivo na osnovu općih, posebnih i kvalitativnih kriterija (poglavlje 2.7. Kriteriji za ocjenjivanje zaprimljenih prijava i</p>

		<p>U okviru opšte dokumentacije, podnosioci trebaju dostaviti potvrdu komercijalne banke da račun nije blokiran- pretpostavljam da bi se trebala dostaviti potvrda od strane svih banaka u kojima su otvoreni računi?!</p>	<p>poglavlje 4. Bodovanja i odabir korisnika bespovratnih sredstava). Pored toga, kako je definisano u poglavlju 2.6.1. Ukupna raspoloživa sredstva, ukupna raspoloživa sredstva za podršku investicijama u prerađivačke kapacitete i marketing poljoprivredno-prehrambenih proizvoda iznose do 3.000.000,00 KM po ovom javnom pozivu. Ukoliko se po ovom pozivu zaprimi veći broj kvalitetnih prijava koje prevazilaze raspoloživa sredstva, EU4Agri projekat zadržava pravo da poveća raspoloživa sredstva do iznosa ukupnih raspoloživih sredstava za mjere podrške prerađivačkim kapacitetima koja su planirana za prvi i drugi ciklus (u 2020. i 2021. godini).</p> <p>U poglavlju 2.7.1. Opći kriteriji prihvatljivosti podnosioca prijave između ostalog se kaže da podnosilac prijave nema blokiran nijedan bankovni račun u trenutku podnošenja prijave na ovaj javni poziv (dokaz: potvrda iz komercijalne banke). To znači ukoliko podnosilac prijave ima više bankovnih računa treba da dostavi potvrde da računi nisu blokirani od svih komercijalnih banaka kod koji su otvoreni pomenuti računi ili potvrdu od Centralne banke BiH (potvrde ne mogu biti starije od dva mjeseca od dana zatvaranja Javnog poziva tj. 30.09.2020. godine).</p>
2	30.07. 2020	<p>Sektor prerade žitarica -molimo vas da nam pojasnite da li u ovaj sektor spada pekarska industrija i proizvodnja tjestenina?</p> <p>Uvođenje i certificiranje HACCP i drugih standarda- u procesu pripreme za standard čest je slučaj da u objektima treba raditi prenamjenu prostora, različite rekonstrukcije i dogradnje kako bi se ispoštovali principi standarda. Pitanje je da li su troškovi za tu svrhu tj izvođenje tih radova prihvatljivi za financiranje, te trebaju li se posebno navesti, obrazložiti i finansijski prikazati?</p>	<p>Pekarska industrija i industrija proizvodnje tjestenine nije obuhvaćena ovim Javnim pozivom.</p> <p>Troškovi vezani uz adaptaciju objekata, a u svrhu uvođenja i certificiranja preduzeća prema HACCP principima, su prihvatljivi i kao takvi trebaju biti prikazani i obrazloženi ako su u skladu sa prihvatljivim podsektorom.</p>

3	31.07. 2020	Da li se pozivom pokriva i prerada puževa kojom se kompanija ozbiljno bavi i već izvozi proizvode u EU ili se isključivo investicije za preradu mesa odnose na sektore navedene u pozivu?	Prerada puževa nije prihvatljiv podsektor u okviru sektora prerade mesa u skladu sa odredbama Javnog poziva, poglavlje 2.7.2.3. Sektor prerade mesa. Pod-sektor prerade i konzerviranje riba, ljuskara i mekušaca također ne uključuje preradu puževa. Moguće je da će prerada puževa biti uključena u budućim Javnim pozivima, pa vas savjetujemo da pratite naše javne pozive na UNDP web stranici.
4	31.07. 2020	Naime, u javnom pozivu PODRŠKA EUROPSKE UNIJE KONKURENTNOSTI POLJOPRIVREDE I RURALNOM RAZVOJU U BIH - EU4AGRI, točkom 2.1. naveli ste sljedeće: Prihvatljivi podnosioci prijava za dodjelu bespovratnih sredstava u okviru mjere podrške mogu biti obrti, preduzetnici, zadruga i preduzeća u skladu sa važećom klasifikacijom u BiH: <ul style="list-style-type: none"> <li>• koja se bave preradom poljoprivrednih proizvoda i/ili proizvodnjom prehrambenih proizvoda i upisani su u registar klijenata kod nadležnog ministarstva/institucije[1],</li> <li>• koja u vlasničkoj strukturi imaju udio javnog kapitala ili glasačkih prava tog javnog kapitala u iznosu do maksimalno 25% i nisu članica holdinga.</li> </ul> Postavlja se pitanje da li u natječaju mogu sudjelovati društva koja imaju 100% strukturu privatnog vlasništva ili je obveza da moraju imati udio javnog kapitala?	Prihvatljivi podnosioci prijava za dodjelu bespovratnih sredstava su preduzeća, zadruga, obrti i preduzetnici sa 100% udjelom privatnog vlasništva, a ukoliko se radi o javnom-privatnoj vlasničkoj strukturi tada udio javnog kapitala ne može biti više od 25%.
5.	31.07. 2020	Prema datim Smjernicama i na osnovu tražene popratne dokumentacije prilikom prijave, zaključili smo da pravo apliciranja imaju poljoprivrednici koji posluju najmanje godinu dana, ali kako ne bismo bili u dilemi molimo Vas da nam odgovorite da li naše preduzeće koje je osnovano u februaru 2020. godine može aplicirati na ovaj Javni poziv?	Prihvatljivi su oni podnosioci prijava koji imaju iskustva u određenoj djelatnosti najmanje jednu fiskalnu godinu (2019) u skladu sa posebnim kriterijima prihvatljivosti podnosioca prijava (poglavljje 2.7.2.) bez obzira na sektor. S tim u vezi, vi niste prihvatljiv podnosilac prijave jer ste osnovani tek u februaru 2020. godine.
6.	31.07. 2020	U projektnoj dokumentaciji za objekte za preradu mesa naznačeno je: <ul style="list-style-type: none"> <li>- minimalno 20 tona godišnji kapacitet prerade (prije investicije)</li> </ul>	U skladu sa posebnim kriterijima prihvatljivosti podnosioca prijava (poglavljje 2.7.2.) za objekte za preradu mesa podnosioci prijave koji se bave preradom mesa i mesnih proizvoda moraju ispuniti sljedeće posebne uslove: minimalno 20 tona godišnji kapacitet prerade (prije investicije); i najmanje jednu punu fiskalnu godinu (2019)

		Odnosi li se navedeni uvjet na ostvarene kapacitete u 2019. godini ili se odnosi na trenutne kapacitete prijavitelja (prije investicije)? Ako je planirana investicija u 2021. godini može li se kao dokazna godina gledati 2020? Ili postoji neki drugi način na koji se dokazuju postojeći kapaciteti?	poslovanja u preradi mesa. To znači da se ostvareni prerađivački kapaciteti posmatraju u 2019. godini koja služi kao bazna godina za sve ostale projekcije u poslovnom planu.
7.	03.08. 2020	Naša djelatnost je tov pilića. Posjedujemo dva objekta kapaciteta po 20.000 pilića, ukupno 40.000. Usljed Covid-19 pandemije, organizatori tova su znatno smanjili proizvodnju, te namjeravaju raditi samo sa farmama koje imaju instaliranu savremenu opremu. Kod nas to nije slučaj, te nam za instalaciju nove opreme na jednom od objekata treba 70.000 KM da bi mogli da radimo. Moje pitanje je, da li uopšte sufinansirate peradarske farme? I drugo pitanje, naša firma je u vlasništvu jedne druge firme, koja je u vlasništvu stranog vlasnika. Da li imamo pravo aplicirati za sufinansiranje?	U smjernicama Javnog poziva, poglavlje 2.7.2.3. Sektor prerade mesa jasno su definisani pod-sektori koji su prihvatljivi što uključuje klaonice i objekte za preradu mesa. Ovaj javni poziv se odnosi na podršku investicijama u preradu poljoprivredno-prehrambenih proizvoda. Farme za tov pilića su primarna proizvodnja i time nisu prihvatljivi podnosioci prijave za ovaj javni poziv. U smjernicama Javnog poziva, poglavlje 2.7.1. Opći kriteriji prihvatljivosti podnosioca prijave definisano je ko su prihvatljivi podnosioci prijave gdje se između ostalog kaže da podnosilac prijave ima sjedište na teritoriji BiH i da podnosilac prijave mora biti isključivo vlasnik ili odgovorno lice obrta/preduzetnika, zadruge ili preduzeća koje se već bavi preradom. U vašem slučaju nije prepreka što je podnosilac prijave u vlasništvu druge firme čiji vlasnik je stranac sve dok je odgovorno lice podnosioca prijave državljanin BiH ili stranac sa regulisanim boravkom (ličnom kartom i radnom dozvolom).
8.	03.08. 2020	Poštovani planiramo da se odazovemo na javni poziv objavljen 30.07.2020.godine Podrška Evropske unije konkurentnosti poljoprivrede i ruralnom razvoju u BiH-EU4AGRI, pa s tim u vezi imamo određenih nejasnoća. Riječ je o potrebnoj dokumentaciji koju treba priložiti uz prijavu. Ako investiramo u zgradu, tj. objekat za preradu, traži se upotrebna dozvola koju dobijemo tek kad završimo izgradnju i stavljamo objekat u upotrebu. Građevinsku i lokacijsku dozvolu od nadležnih organa možda možemo dobiti do 30.09.2020.godine kad je rok da se preda prijava na ovaj javni poziv, ali kako da obezbjedimo upotrebnu. Opet ćemo se konsultovati sa opštinskim organima, a vas bih molila da mi odgovorite.	Upotrebnu dozvolu za objekat za preradu kao dokaz za ispunjenje minimalnih tehničkih uslova za bavljenje preradom proizvoda iz pod-sektora odnosi se na već izgrađene objekte u kojima će se sprovesti investicija npr. kupovinom i instalacijom određenih strojeva za preradu i slično (kao predmetom investicije). Ova dozvola se dostavlja zajedno sa relevantnom dokumentacijom navedenom u tački 3.1. Javnog poziva. Ukoliko se planira izgradnja novog objekta, u tački 2.7.1, jasno definisano u stavci 8 da posjeduje važeće dozvole i dokumente za izgradnju objekata izdate od nadležnih organa (građevinska, lokacijska idr.) a u kojem se planira obavljati prerada, tada je potrebno za taj objekt osigurati upotrebnu dozvolu u trenutku izvještavanja (na kraju realizacije projekta), kao što je navedeno u tački 9. Javnog poziva.

9.	03.08. 2020	Upravo sam čitala vaš Javni poziv i zanima me mogu li u ovom Javnom pozivu sudjelovati pčelari i uzgajivači ljekovitog bilja? Naime, u raznovrsnosti svog bilja koje uzgajam nalazi se i sikavica koju mnogi smatraju žitaricom mada to nije.	Prihvatljivi pod-sektori jasno su definisani u poglavlju 2.3. smjernica Javnog poziva gdje stoji da su prihvatljivi svi oni projekti koje se odnose na sljedeće sektore: <ul style="list-style-type: none"> <li>• prerada voća, vinarstvo i maslinarstvo,</li> <li>• prerada povrća,</li> <li>• prerada mlijeka,</li> <li>• prerada mesa,</li> <li>• prerada i konzerviranja riba, ljuskara i mekušaca,</li> <li>• prerada žitarica (što ne uključuje proizvodnju stočne hrane).</li> </ul> Prerada sikavca nije prihvatljiva u okviru ovog Javnog poziva. Sektori prerade meda i pčelinjih proizvoda i ljekobilja će biti predmetom narednih javnih poziva, te vas savjetujemo da redovno pratite naše buduće najave i Javne pozive.
10.	04.08. 2020	Da li aplikant koji prođe isti na pozivu EU4Business može aplicirati i na poziv EU4Agri?	Poglavlje 2.2. Javnog poziva, "Poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing poljoprivredno-prehrambenih proizvoda", kaže da će se smatrati neprihvatljivim podnosiocima prijava svi oni koji nisu završili provođenje ranije odobrenih projekata koji su finansirani putem projekata EU4Agri i EU4Business.
11.	04.08. 2020	Jesu li prema ovom prihvatljivi troškovi nabavke opreme za poljoprivredu kao npr.: grabilica, kosilica, traktora i sl.?	Lista prihvatljivih investicija i troškova detaljno je opisana u poglavlju 2.8.1. Javnog poziva i vezana je za investicije u prerađivačke kapacitete poljoprivredno-prehrambenih proizvoda. To uključuje svu opremu i uređaje koji se koriste u procesima prerade proizvoda, a ne uključuje opremu i uređaje koji se koriste u primarnoj poljoprivrednoj proizvodnji.
12.	04.08. 2020	Živim na selu i zainteresovan sam za dodjelu sredstava. Potrebna mi je mehanizacija pa postoji li mogućnost da ja apliciram za ono šta mi je potrebno?	Savjetujemo vas da pažljivo pročitate smjernice Javnog poziva, a osobito poglavlje 2.1. Prihvatljivi podnosioci prijava, te poglavlje 2.8.1. Prihvatljive investicije i troškovi. Primarna poljoprivredna proizvodnja nije obuhvaćena ovim Javnim pozivom te sve nabavke koje su vezane za to nisu prihvatljive uključujući i poljoprivrednu mehanizaciju.

13.	04.08. 2020	<p>Mogu li konkurisati za bespovratna sredstva ako bih otvorio novu firmu u međuvremenu prije isteka i podnošenja zahtjeva?</p> <p>Garanciju od 35% od ukupne investicije mogao bih obezbjediti na vrijeme.</p> <p>Imao sam ideju za otvaranje firme u vezi prerade voća i povrća za zdrave sokove, marmelade, čajeve i slično. Nadam se da se posao kojim se želim baviti uklapa u navedeni program.</p> <p>Iz tog razloga Vam pišem jer nakon što sam pročitao javni poziv puno veće šanse su za ostvarenjem mog posla, ali prije prijave rado bih da provjerim, kako bih bio siguran da ispunjavam uslove kao kandidat.</p>	<p>Prihvatljivi podnosioci prijava za pod-sektor prerade voća i povrća detaljno su opisani u Javnom pozivu u poglavlju 2.7.2.1. koji kaže da je prihvatljiv onaj "Podnosilac prijave koji se bavi preradom voća i/ili povrća najmanje jednu punu fiskalnu godinu (2019) te posjeduje objekat i opremu za bavljenje preradom voća i/ili povrća." To podrazumijeva da startup-ovim odnosno tek registrovane firme nisu prihvatljivi podnosioci prijava.</p>
14.	04.08. 2020	<p>Kompanija smo koja je u 100% vlasništvu vjerske organizacije, a za svoju osnovnu djelatnost ima proizvodnju vrhunskih vina. Zainteresovani smo za učešće u projektu "Podrška Evropske unije konkurentnosti poljoprivrede i ruralnom razvoju u Bosni i Hercegovini – EU4AGRI", pa vas molimo da nam odgovorite na pitanje, da li naša vinarija može biti jedan od aplikanata?</p>	<p>U skladu sa poglavljem 2.1. te 2.7.1. i 2.7.2. Javnog poziva definisano je ko su prihvatljivi podnosioci. Ukoliko firma koja se bavi proizvodnjom vrhunskog vina ispunjava te zahtjeve, nema smetnje što je u vlasništvu vjerske organizacije, te se smatra prihvatljivim podnosiocem prijave.</p>
15.	05.08. 2020	<p>Registrovani smo kao SP, poljoprivredni proizvođač i bavimo se proizvodnjom mlijeka i tovnih junadi. Mlijeko isporučujemo mljekari Mlijekoprodukt. Već smo na pola puta do gradnje novog objekta jer želimo da proširimo proizvodnju (čekamo građevinsku dozvolu). Zanima me možemo li aplicirati na konkurs jer se konkretno ne bavimo preradom, već samo proizvodnjom?</p>	<p>U smjernicama Javnog poziva, poglavlje 2.7.2.2. Pod-sektor prerade mlijeka jasno je definirano koje uvjete aplikant treba zadovoljiti da bi se smatrao prihvatljivim za ovaj Javni poziv kada je u pitanju prerada mlijeka. Ovaj Javni poziv se odnosi na podršku investicijama u preradu poljoprivredno-prehrambenih proizvoda, te podnosioci prijava koji se bave primarnom proizvodnjom, tj. proizvodnjom mlijeka (kao primarnom proizvodnjom), nisu prihvatljivi.</p>
16.	05.08. 2020	<p>Potencijalni aplikant se bavi proizvodnjom vina, odnosno potencijalna investicija se nalazi u sektoru vinarstva, interesuje nas koji je koeficijent vrijednosti grane za preradu vina? Da li se uzima isti koeficijent kao za preradu voća i povrća ili ima poseban koeficijent za vinarstvo?</p> <p>U poglavlju 2.3. nije naveden sektor prerade meda, a u poglavlju 2.7.2. nema posebnih uslova za preradu meda. U listi prihvatljivih investicija pod 5. je dat sektor meda i</p>	<p>Za pod-sektor vinarstva se koristi isti koeficijent obrta ukupne imovine kao i za prerade u pod-sektorima voća i povrća.</p> <p>Pod-sektor meda nije prihvatljiv sektor. U prvoj objavljenoj verziji Javnog poziva sa smjernicama greškom je u listi prihvatljivih investicija pod brojem 5 ostao pod-sektor meda i pčelinjih proizvoda što je na aktualnom Javnom pozivu i Smjernicama ispravljeno.</p>

		pčelinjih proizvoda. Pa nas interesuje da li je moguće investirati u sektor meda i da li postoje određeni posebni uslovi prihvatljivosti koje treba zadovoljiti aplikant u ovom sektoru ili su to samo opšti uslovi prihvatljivosti?	
17.	05.08. 2020	Poštovani u vezi javnog poziva od 30.07. već sam vam se obraćala, imam još pitanja. Ono što mi planiramo investirati konkretno je sledeće: 1.Peletirka za peletiranje stočne hrane. 2.Zgrada tj. objekat u kom će peletirka bit smještena. 3.Silos i za čuvanje tj. smještaj peletirane hrane. 4.Analizator za kontrolu zrna. Možemo li podnijeti zahtjev za sve gore navedeno i je li imamo pravo na sve s obzirom da u sektoru prerade žitarica piše da se ne odnosi na proizvodnju stočne hrane?	Prihvatljivi podnosioci prijava iz pod-sektora prerade žitarica su definirani u poglavlju 2.7.2.4. i oni ne uključuju podnosioc prijava koji se bave preradom stočne hrane. Također u poglavlju 6 navedena je lista opreme koja se smatra prihvatljivom opremom po ovom pozivu, a to uključuje opremu koja će se koristiti za preradu žitarica (bez proizvodnje stočne hrane).
18.	05.08. 2020	Da li se na javni poziv Projekat „Podrška Evropske unije konkurentnosti poljoprivrede i ruralnom razvoju u Bosni i Hercegovini“ - EU4AGRI koji je otvoren do 30.09.2020. može prijaviti poljoprivredno gazdinstvo koje se bavi proizvodnjom piva za sektor prerade žitarica?	Prerada žitarica u pivo je prihvatljiva djelatnost u skladu sa ovim Javnim pozivom, a prihvatljivi podnosioci prijava za dodjelu bespovratnih sredstava su isključivo preduzeća, zadruge, obrti i preduzetnici.
19.	05.08. 2020	Vezano za vaš poziv za poljoprivredu u dijelu koji se odnosi za izgradnju objekta, nas zanima da li građevinska dozvola treba da bude izdata prije objave javnog poziva ili može u periodu trajanja poziva ista dobiti od strane nadležnih institucija. Vrijednost građevinske dozvole je 56.000,00 KM? Koliko smo razumijeli trošak građevinske ne ulazi u troškove koji se mogu pravdati putem projekta?	Građevinska dozvola je sastavni dio opće dokumentacije koja se treba dostaviti uz aplikaciju (samo ukoliko projekti uključuju građevinske radove), kako se i spominje u poglavlju 3.1. Javnog poziva. Troškovi građevinske dozvole, prema ovom Javnom pozivu, smatraju se neprihvatljivim troškom.
20.	05.08. 2020	Molim vas za informaciju da li će ubuduće biti podrška vezana za program pčelarstva? U ovom javnom pozivu EU4AGRI nisam našao podršku u oblasti pčelarstva!	Lista prihvatljivih pod-sektora se nalazi u poglavlju 2.3. Javnog poziva. Sektor pčelarstva nije prihvatljiv pod-sektor u sklopu ovog Javnog poziva, ali je planiran za buduće javne pozive. Upućujemo vas da pratite službenu web stranicu UNDP-a ( <a href="http://www.ba.undp.org/">http://www.ba.undp.org/</a> ) na kojoj će biti objavljeni svi budući Javni pozivi.



21.	05.08. 2020	Molimo Vas da nam odgovorite po pitanju Projekat Evropske unije EU4Agri koji je objavio javni poziv vrijedan 3 miliona KM za dodjelu bespovratnih sredstava tj. investicija u prerađivačke kapacitete i marketing poljoprivredno-prehrambenih proizvoda, mogu li aplicirati i oni subjekti koji sada nemaju preradu a imaju proizvodnju svježeg sirovog mlijeka i investirali bi u opremu za bavljenje preradom-proizvodnjom sira, odnosno u mini siranu?	Poglavlje Javnog poziva 2.7.2.2. Sektor prerade mlijeka jasno definira tko su prihvatljivi podnosioci prijava gdje se između ostalog navodi da su prihvatljivi oni podnosioci koji imaju najmanje jednu punu fiskalnu godinu (2019) poslovanja u preradi kravljeg, kozjeg ili ovčijeg mlijeka. S tim u vezi, nisu prihvatljivi podnosioci prijava koji se trenutno bave primarnom proizvodnjom i tek planiraju investicije u preradu.
22.	06.08. 2020	Ne mogu otvoriti vaš javni poziv, a zainteresiran sam u vezi EU4AGRI. Želim otvoriti rasadnik povrća je li to spada pod ovaj javni poziv?	Ovaj Javni poziv se odnosi isključivo na preradu prihvatljivih pod-sektora navedenih u poglavlju 2.3. Javnog poziva. S tim u vezi, proizvodnja rasada povrća nije prihvatljiva kao što nisu prihvatljivi startup-ovi.
23.	30.07. 2020	Zanima me da li na vaš javni poziv može aplicirati preduzeće koje se bavi proizvodnjom i prodajom pekarskih proizvoda?	Pekarska industrija i industrija proizvodnje tjestenine nije obuhvaćena ovim Javnim pozivom.
24.	06.08. 2020	Imamo pitanje vezano za EU4AGRI javni poziv. Naime, želimo se prijaviti za naš brand koji se bavi proizvodnjom i prodajom voćnih rakija, te posjeduje vlastite voćnjake. S obzirom da je naš brand u sklopu krovne firme, možete li nam dati smjernice kako da pravilno naglasimo za koga predajemo zahtjev, za firmu ili za brand, te da li postoje još neke stvari na koje bi trebali obratiti pozornost s obzirom na ovu situaciju?	Neprihvatljivi podnosioci prijava navedeni su u tački 2.2. Javnog poziva, a takvim se smatraju i svi oni koji se bave proizvodnjom, prodajom ili vrše distribuciju alkohola.
25.	06.08. 2020	Razlog mog javljanja jeste informativni na osnovu poziva za sektor marketinga i prodaje poljoprivredno-prehrambenih proizvoda. Ja sam početkom ove godine osnovao obrt čija je osnovna djelatnost istraživanje tržišta, marketing i prodaja poljoprivredno-prehrambenih proizvoda, ali s obzirom na posljedice koje je uzrokovao virus Covid 19, nismo uspjeli da napravimo i realizujemo projekat onako kako smo zamislili, te smo jako "usporeni" kao i svi drugi.	Prema pravilima ovog Javnog poziva prihvatljivi su oni podnosioci prijava koji se bave preradom najmanje jednu punu fiskalnu godinu (2019) dok su prihvatljivi pod-sektori definisani u poglavlju 2.3. Marketinške agencije kao i svi ostali subjekti koji se bave djelatnostima i posluju u sektorima koji nisu navedeni u Javnom pozivu smatraju se neprihvatljivim podnosiocem. Isto tako su neprihvatljivi start-up biznisi.

		<p>Površinski sam pogledao poziv, i uvidio sam da se na poziv mogu javiti firme koje se bave proizvodnjom i preradom voća i povrća, dok firme ili obrtnici koji se na bave sa tom vrstom poslovanja ne mogu da se jave na poziv. U ovom slučaju moj obrt kojem je glavna grana poslovanja upravo istraživanje tržišta i marketing ne može da aplicira, iako imamo pismo preporuke od dva kantonalna ministra, te od 5 općinskih načelnika koji podržavaju naš program i projekat za olakšan marketing, istraživanje tržišta kao i samu prodaju proizvoda!</p>	
26.	06.08. 2020	<p>U vezi sa 1. pozivom EU4Agri objavljenim dana 30.07.2020.godine na vašoj stranici, molimo Vas da nam odgovorite na sljedeća pitanja:</p> <p>1. Da li je prihvatljiva investicija koja podrazumijeva nabavku cisterni za prijem i utovar svježeg mlijeka? U Smjernicama na strani 16, pod tačkom 2. Sektor prerade mlijeka podtačka 2.2.1. oprema, navodi se da je prihvatljiva: "Oprema za prijem, skladištenje, uzorkovanje, utovar, preradu, termičku obradu, odležavanje/vrenje, punjenje, mjerenje, pakovanje i obilježavanje mlijeka i mliječnih prerađevina.", dok se u tački 2.8.2. kao neprihvatljiva investicija navodi "Nabavka vozila svih kategorija".</p> <p>Budući da se za prijem i utovar mlijeka koriste upravo cisterne, molim Vas da nam pojasnite smatrate li i njih vozilima i da li mogu biti predmet investiranja po ovom pozivu?</p> <p>2. Da li podnosioci prijava koji su prethodno dobili podršku kroz EU4Business mogu aplicirati na ovaj poziv ako nisu u potpunosti završili sve projektne aktivnosti (završetak svih aktivnosti je decembar 2020)?</p>	<p>Prema pravilima Javnog poziva nabavka vozila svih kategorija nije prihvatljiva. Prihvatljivi su troškovi za investicije i opremu u području prijema mlijeka u mljekaru.</p> <p>Podnosioci prijava koji su dobili podršku u okviru projekta EU4Business, a nisu zatvorili raniji ugovor (koji je još u implementaciji) prije krajnjeg roka za podnošenje prijava, prema aktuelnom Javnom pozivu smatrat će se neprihvatljivim podnosiocima prijava.</p>
27.	30.07. 2020	<p>Imam pitanje vezano za Poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing poljoprivredno-prehrambenih proizvoda u sklopu projekta „Podrška Evropske unije konkurentnosti poljoprivrede i ruralnom razvoju u Bosni i Hercegovini“ - EU4AGRI .</p>	<p>Pod-sektor meda nije prihvatljiv sektor. U prvoj objavljenoj verziji Javnog poziva sa smjernicama greškom je u listi prihvatljivih investicija pod brojem 5 ostao pod-sektor meda i pčelinjih proizvoda što je na aktuelnom Javnom pozivu i Smjernicama ispravljeno.</p>

		<p>U Smjernicama za podnosiocima prijava u poglavlju 2.3. Prihvatljivi pod-sektori prerade za podršku su navedeni sljedeći sektori:</p> <ul style="list-style-type: none"> <li>· prerada voća, vinarstvo i maslinarstvo,</li> <li>· prerada povrća,</li> <li>· prerada mlijeka,</li> <li>· prerada mesa,</li> <li>· prerada i konzerviranja riba, ljuskara i mekušaca,</li> <li>· prerada žitarica (što ne uključuje proizvodnju stočne hrane).</li> </ul> <p>A u poglavlju 2.8.1. Prihvatljive investicije i troškovi su navedena još dva pod-sektora kojih nema u već navedenom poglavlju 2.3. To su pod-sektori 4. Sektor ljekobilja i gljiva i 5. Sektor meda i pčelinjih proizvoda. Molio bih vas za pojašnjenje da li i ova dva pod-sektora spadaju u prihvatljive.</p>	
28.	06.08. 2020	<p>Vežano za objavljeni prvi Javni poziv EU4Agri, molimo Vas da nam odgovorite da li je prihvatljiv prijavitelj koji se bavi djelatnošću proizvodnje napitaka od borovih iglica koji se koristi kao dodatak prehrani?</p>	<p>Ovaj Javni poziv se odnosi isključivo na preradu prihvatljivih pod-sektora navedenih u poglavlju 2.3. Javnog poziva. Pripravci na bazi borovih iglica kao takvi su dio pod-sektora ljekobilja, koje prema ovom Javnom pozivu nije prihvatljiv pod-sektor.</p>
29.	06.08. 2020	<p>U skladu sa objavljenim javnim pozivom želimo da Vas informišemo da smo jako zainteresirani za apliciranje na ovaj jako korisni javni poziv.</p> <p>S obzirom da želimo biti apsolutno informisani sa ciljem pripreme aplikacije na najboljih mogućih i temeljit način ovim putem Vas želimo zamoliti da nas uvrstite u mailing listu kod slanje informacija oko održavanje Info dana u vezi ovog javnog poziva.</p>	<p>Projekat EU4Agri će organizovati informativne sesije tokom kojih će se prezentirati svi aspekti javnog poziva te pojasniti uslovi i kriteriji stoga je potrebno pratiti UNDP web stranicu na kojoj će biti objavljeni termini održavanja informativnih sesija. Ukoliko ne bude moguće održati sesije uz fizičko prisustvo, EU4Agri projekat će iste održati putem nekih od online kanala (Facebook, Microsoft Teams, Zoom ili slično).</p>
30.	06.08. 2020	<p>Moje seosko domaćinstvo se bavi seoskim turizmom, izuzetno smo pogođeni ovom krizom da nas je to dovelo do izuzetno teške situacije. Moje pitanje glasi:</p> <p>Da li naše seosko domaćinstvo može aplicirati kod vas za brzu pilot finansijsku intervenciju koja bi se ogledala u tome da naše seosko domaćinstvo pored turizma kojim se bavimo svoje poslovanje proširimo na taj način što bi</p>	<p>Ovaj javni poziv je namijenjen prerađivačima koji se već bave preradom poljoprivredno-prehrambenih proizvoda iz pod-sektora navedenih u tački 2.3. Javnog poziva i nije namijenjen za one proizvođače koji tek žele da se time bave. Drugim riječima, javni poziv ne podržava start-up biznise. Upućujemo vas da pratite službenu web stranicu UNDP-a (<a href="http://www.ba.undp.org">www.ba.undp.org</a>) na kojoj će biti objavljeni svi budući Javni pozivi, a koji će možda više odgovarati</p>

	<p>napravili jednu manju farmu koza za proizvodnju mlijeka i mliječnih proizvoda. O ovoj poslovnoj ideji trenutno razmišljamo pošto se u posljednje vrijeme povećala potražnja za kozijim mlijekom koje ima i svoja ljekovita svojstva? Samim tim naše domaćinstvo bi preživjelo ovu nemilu krizu koja nas je sviju zahvatila i na taj način sačuvali bi svoju mogućnost da se nakon svega ovoga ponovo vratimo u sferu turizma, ali i da zadržimo ovu vrstu poslovanja za koju tražimo financijsku pomoć. Ukoliko se naša ideja uklapa u sve ovo mi bi rado aplicirali za vašu pomoć, na kojoj bi vam bili neizmjereno zahvalni, pošto naše domaćinstvo broji devet članova od čega imamo i dvoje male djece do tri godina, a namjeravamo da ostanemo tu gdje jesmo i da gradimo budućnost i za ovu malu djecu.</p>	<p>vašem trenutnom poslovanju. Ukoliko vas interesuje više informacija po pitanju Poziva za iskazivanje interesa privatnog sektora za učešće u pilot programu podrške razvoju cirkularnih poslovnih praksi, ljubazno vas molimo da u vašem upitu navedete naziv poziva za koji postavljate pitanja.</p>
--	--	---